

GVANGJSIH MINZCUZ BAU



Cawjguenj: Gvangjsih Bouxcuengh Swcigih Minzczu Cunghgyau Swvu Veijyenzei
Cawjbanh: Gvangjsih Minzczu Bause Geiz neix 16 banj Geizsoq: Gungh daih 3545 geiz
广西民族报 Aenhauh okbanj: CN45-0036 B.2022 Nd.10 Ng.19
Liggaeuq nyaemzyinz nienz ndwengouj ngeihseiq

GEIZ CIENMONZ NGEIHCIB
DAIH DANGJ RAEUZ

Yaengxsang Fan Geiz Hungmbwk Yiengh Sevei Cuji Miz Gij Daegsaek Cungguk Vih
Cienzmienh Hwnqguh Aen Guekgya Sevei Cuji Yendaiva Bae Doxgiet Buekuh

Cunghgoz Gungcanjdangj Baez Ngeihcib Daengx Guek Daiqbiuj Daihhoih Youq Baekging Haimuq

Siz Ginbingz Daiqbiuj Cunghyangh Veijyenzei Gaiq Cibgouj Yiengq Daihhoih Guh Baugau

Lij Gwzgyangz Cujciz Daihhoih 2340 Boux Daiqbiuj Caeuq Daiqbiuj Daegbied Iucingj Camgya Daihhoih

高举中国特色社会主义伟大旗帜 为全面建设社会主义现代化国家而团结奋斗

中国共产党第二十次全国代表大会在京开幕

习近平代表第十九届中央委员会向大会作报告

李克强主持大会 2340 名代表和特邀代表出席大会



▲ Siz Ginbingz daiqbiuj Cunghyangh Veijyenzei
Gaiq Cibgouj guh baugau.
(Yauz Aiminz ingi)



▲ Neix dwg Siz Ginbingz、Lij Gwzgyangz、Liz Cansuh、Vangh
Yangz、Vangz Huningz、Cau Lozci、Hanz Cwng、Huz Ginjaauh youq
gwnz cujsizdaiz.
(Lij Yozyinz ingi)

Sinhvazse Baekging 10 nyied 16 hauh dien Caezhox gyonjrenz maeuzveh lamzdoz fuk-hwng moq, doxgiet buekrenz guhbaenz hongsaeh hungmbwk moq. Aen hoih Cunghgoz Gungcanjdangj Baez Ngeihcib Daengx Guek Daiqbiuj Daihhoih daengx seiqgyaiq cimyawj haenx 16 hauh banhaet youq Yinzminz Daveidangz haimuq.

Siz Ginbingz daiqbiuj Cunghyangh Veijyenzei Gaiq Cibgouj yiengq daihhoih guh baugau 《Yaengxsang Fan Geiz Hungmbwk Yiengh Sevei Cuji Miz Gij Daegsaek Cungguk Vih Cienzmienh Hwnqguh Aen Guekgya Sevei Cuji Yendaiva Bae Doxgiet Buekuh》. Siz Ginbingz vixok, Cunghgoz Gungcanjdangj Baez

Ngeihcib Daengx Guek Daiqbiuj Daihhoih, dwg baez daihhoih cibfaen youqgaenj ndeu, dwg youq mwh ceiq youqgaenj daengx Dangj daengx guek gak cuz yinzminz byaij hwnj diuzroen moq cienzmienh hwnqguh aen guekgya sevei cuji yendaiva, haindu bae guh gij moegbiu buekuh aen bak bi daihngieih le ciuhai. Aen cawjdaez baez daihhoih neix dwg: Yaengxsang fan geiz hungmbwk yiengh sevei cuji miz gij daegsaek Cungguk, cienzmienh gvancez Aen Swhsiengj Sevei Cuji Miz Gij Daegsaek Cungguk Seizdaih Moq, haenqrenz fatyienz gij cingsaenz laeb Dangj hungmbwk, gagsaenq gag' ak, souj goek cauhmoq, haenqheiq buekuh, daihdamj baenaj, vih cienzmienh hwnqguh

aen guekgya sevei cuji yendaiva, cienzmienh doicaenh Cunghvaz Minzczu fukhwng hungmbwk bae doxgiet buekuh.

Liz Gwzgyangz kujciz baez daihhoih neix. Aen baugau youz Siz Ginbingz daiqbiuj Cunghyangh Veijyenzei Gaiq Cibgouj yiengq daihhoih guh haenx gungh faen 15 aen bouhfaenh.

Siz Ginbingz vixok, gij bengwz hungmbwk seizdaih moq cib bi miz yiengh eiqngeih dangq lohbaiz

Siz Ginbingz dungzci youq ndaw aen baugau Ngeihcib Daih lwnhgangj le gij gunghcoz haj bi gvaqbae neix caeuq gij bengwz hungmbwk seizdaih moq cib bi. De

vixok, gij bengwz hungmbwk seizdaih moq cib bi neix, youq gwnz lizsij Dangj raeuz, lizsij Cungguk moq, lizsij gaijgwz hailangh, lizsij hwngfat sevei cuji, lizsij hwngfat Cunghvaz Minzczu, miz yiengh eiqngeih dangq lohbaiz.

Siz Ginbingz gangj, Cunghgoz Gungcanjdangj Baez Ngeihcib Daengx Guek Daiqbiuj Daihhoih, dwg baez daihhoih cibfaen youqgaenj ndeu, dwg youq mwh ceiq youqgaenj daengx Dangj daengx guek gak cuz yinzminz byaij hwnj diuzroen moq cienzmienh hwnqguh aen guekgya sevei cuji yendaiva, haindu bae guh gij moegbiu buekuh aen bak bi daihngieih le ciuhai.

(cienj banj 2)